

林屋山人漫藁

林屋山人漫藁

石礪俞琰玉璫

元貞丙申秋王本齋為平江治中行鄧新業止  
與孟能靜總管同舟能靜余賦擊鉢詩以鞋  
為題巾字為韻

巧裁弓樣一鉤新穩襯金蓮上繡茵料得郭華吞去  
後美人垂淚滿羅巾

八月十四夜月

秋闌曾負笈見月憶當年我愛蟾光瑩誰云桂影偏

試將三五比只欠一分圓世事滿招損何須更十全

張海軒索詩戲成二十字

詩成君莫問問時須一笑只在枯腸中無鈎不可釣

俞立之載酒游黎里羅漢寺同行有李提領與  
陳曉山陳直卿是時長老性天然未回李翁索  
余拙句遂賦四十字

閒遊羅漢寺尋訪性天然見說田家去歸時午飯前  
殿基芳草合洞戶晚花妍要聽風旛語嗟余未有緣

錢塘鄭子實所畫圉人立語圖

相逢因借問早晚入皇城整頓金鞍未來朝要進呈

福建僉事李君玉桂仙圖

五色雲中駕綵鸞露華香濕紫簫寒當時羣玉山頭  
見何似而今得細看

郎子雲所畫明皇看馬圖

出入春風十二閑雙瞳紫燄射金鞍玉環若在鑾輿  
側安得君王着眼看

錢舜舉所畫醉楊妃圖

髻亂烏雲墜玉梳羅襦紐解露胸酥侍兒左右挽不

起直待三郎親手扶

王中齋宣慰以子母牛圖與其弟本齋宣副索

余題

黃葉蕭蕭、秋意深牧童背坐夕陽陰細看牛犢行相  
顧畫出人間子母心

康月天錄事畫墨竹索余題

直而不倨弱而不傾一枝之秀千古之清

夏壺隱縣尹得靈壁石溫潤玲瓏求余贊

靈壁之精玄石之英匪雕匪琢渾然天成溫若玉色

鏗若金聲置之座隅監彼堅貞

俞立之載酒遊黎里羅漢寺訪長老性天然是  
時性方畫龍畢尚未點睛即席走筆和陳直卿

韻

龍出毫端迥逼真僧繇以後豈無人烟雲慘澹幻中  
幻頭角崢嶸身外身為底未填阿堵物取將疑有六  
丁神何當掛起高堂上一洗凡夫肉眼塵

相城靈應道院屏風俞巖隱所畫魚龍主首蘓  
蕙巖索余題遂書於屏間

躍於天池匪鯨則鯢龍門在望以待  
時頭角崢嶸  
鱗鬣晃朗出入有無變化惚恍燁々  
玄珠照耀穹壤  
誰其得之異哉象罔

張東軒同知新構一亭座榻環列屏風皆畫美人  
酒邊索余題遂為書四絕

九十春光撚指間千金難買主人閑  
海棠亭上春如畫  
坐對香風整翠環

花下行來蓮步遲  
鬢雲撩亂玉釵垂  
枕痕一線紅生頰  
應是深閨睡起時

春色正濃花正鮮  
花如人面共嬋娟  
相逢笑語東風裏  
各自爭妍暗取憐

正是群芳爛熳時  
懶將纖手理琴絲  
日長看殺亭前柳  
惆悵無人懶畫眉

贈雙鳳普福觀道士何梅隱

朗吟疎影暗香詩  
只在山中人不知  
月夜一般清絕處  
萬株寒玉遶茅茨

嘉定袁東山席上贈相士岳道眼

兩眸炯炯燦人寒  
窺見鴻濛造化端  
把似人前談禍



福何如返照靜中觀

贈趙一峯

自從太極判鴻濛一柱擎天勢獨雄  
下視衆山皆培塿巍然特立碧霄中

題新里孫上人禪外樓

縷篆烟消日未曛數聲啼鳥靜中聞  
山僧定起應無事閑倚闌干看白雲

震澤黃景達見示山水手卷遂題仇山村詩後  
平生愛山居苦無買山錢每覽山水圖展卷心茫然

依山結茅廬出門有溪船何當隱於斯徜徉終吾年

次韻答孟能靜總管大德丙午

酒記對牀風雨夜西牕剪燭語綢繆重來倒指十年  
夢老去嗟余兩鬢秋唱和共添新賦詠情懷不減舊  
風流明朝有約須沉醉預折花枝當酒籌

杭州西湖舟中送王本齋之官併呈孟能靜  
十年不踏西湖路滿眼青山是故人今日重來送君  
別一番楊柳一番新

次韻答番江書院山長陸後坡至大庚戌

半年客番江夜：夢角里我輩非艷水安能久居此  
雖無門戶憂亦有妻子累貧不耻蒯緱寧復踐珠履  
慚無王粲才誰倒蔡邕屐趫然聞足音空谷胡不喜  
知名各已久所欠一見耳相逢旅舍中留我話不已  
一杯復一杯明月入牕裏舉眼同鄉人惟有吾與子  
歲晚客袖薄脩竹聊復倚幸有琴相隨清彈響流水

次韻題墨蘭手卷

猗：元是山中物誰寫幽芳入畫圖根透生心香造  
化葉翻柔影筆工夫騷經標致千年在俗氣塵埃一

點無輸與諸人閑展翫不隨凡草共榮枯

題唐景元新篁枯木手卷

修篁含新箨枯木有生意何人揭此圖景元唐道士

題相城馬氏山水圖

疎樹映茅屋隔岸是青山地僻無人到孤舟盡日閒

題張梅齋畫扇

山青水綠家何在手托香腮淚暗垂借問吳宮誰得  
似西施初似越來時

九日舟過彭澤縣懷故鄉

大江西望水茫茫：蘆荻蕭蕭：兩岸霜喜有順風連十日恨無好酒過重陽歸來陶令今何在老去杜陵空自傷回首姑蘓白雲下籬花今夕為誰香

宿焦山寺

塔就人何在江空水自流凭高一長望客眼不禁秋  
福山館中書懷

半生落魄走江湖對月臨風酒一壺自笑竊脂聊啄粟誰云老馬願為駒薄租秔稻今秋熟本分漁羹何處無趁早束書歸舊隱閉門閒坐守丹爐

再入吳塔館

走遍山鄉又水鄉  
狂吟不覺又重陽  
人情須是久方  
見世味從來澹  
始長清酒有如今日好  
黃花還勝去  
年香等閒應被兒童笑  
贏得蕭蕭兩鬢霜

漫吟

心勦形枯雪滿顛  
聰明頓覺不如前  
全憑歡伯扶殘  
疾時共衰翁說  
少年燒藥漫傳劉向術  
買山誰與戴  
符錢何時嘯傲青林下  
隨意看書倦即眠

秋夜長

漫：秋夜長皎皎秋月明游子思故鄉輾轉睡不成  
豪家年少卽月下飛瓊觴但愛秋月明那知秋夜長

夢中和漢武帝秋風辭

秋風颯：兮鴈南飛客遊別鄉子胡不歸桂花爛開  
兮芙蓉芳吟懷雖倦予情未忘大火西流兮傾銀河  
灝氣浮空兮漾金波起舞弄影兮自狂歌人生會少  
兮離別多獨坐無侶兮如此良宵何

謝趙瑞卿總管

儲無甌石坐無氈貧病交攻雪滿顛讀易半生成底

事携琴隨處度殘年顏公米盡從誰乞陶令瓶空只  
自憐今日幸逢賢太守且教隣巷見炊烟

送本齋廬訪之雷州

只為廉名到處傳不容廬墓守林泉此行無慮數千  
里後會應須三二年嗟我結交今老矣見君言去倍  
淒然東君尺牘頻看有分清修作散仙

借韓昌黎韻餞王本齋

濛濛曉色霧連天南望雷州路八千此去不知行幾  
驛便歸可待滿三年山遙鴈斷衡陽浦地暗梅開臘



月前早晚廟堂聽天撒願傳回信到吟邊

西瓜

青門傳好種當暑喜新嘗片、雲頭白星、金子黃  
清寒冰老齒甘美潤枯腸夢覺酒醒後何須覓蔗漿

海腓

生以鮓為目來從水母宮堆盤如凍結停筯便銷融  
瑩潔玻璃白嫵爛瑪瑙紅吟邊嘗此味牙頰響秋風

癭殼牕

非蚌非螺片片平玲瓏八面總裝成剛刀刻薄如雲

母礪石磨光似水晶  
海氣滿樞長帶潤  
月華過隙倍增明  
黃昏照映銀臺燭  
只欠梅花瘦影橫

牕孔

疎櫺誰擊破  
破處紙飄搖  
斜月穿金線  
微風響玉簫  
窺晴憐客悶  
避冷惜兒嬌  
最喜梅花近  
飛香入酒瓢

憇雙鳳道中井亭

皇慶癸丑

徐行到井亭  
渴喜井泉清  
雲散天無翳  
風來樹有聲  
枯田晴鳥聚  
濕壤旱蛙鳴  
信道豐年樂  
人、說太平

題鄭所南墨蘭手卷

幽花頰晴旭修葉偃微風名載騷經中千載香無窮  
何人為此圖所南鄭仙翁仙翁今何在已歸蓬萊宮  
我欲往從之海濶天濛濛

題壁潭上人所畫蘭

楚花韞幽香其德孰可擬不圖招提境見此隱君子  
輓吳塔王通一秀才

安閑正少年一夢忽遊仙有母今何恃無兒更可憐  
死亡原有命脩短實由天盡道青梅脆云胡不愴然  
賀高顯卿參政祈雪感應

清齋祈雪宿琳宮三日精誠即感通  
平地飛花盈尺厚大田宜麥兆年豐  
誰云虎豹三關遠只在公侯一念中  
四海蒼生望霖雨從茲燮理顯神功

問所居

讀易彈琴老歲華客來閒坐一杯茶  
過門不怕無尋處好禮坊南第六家

問年

少壯窮經今白首算來唯理獨不朽  
有人問我年幾何三十年前二十九

寄張東軒同知

延祐乙卯

之官抵四明熟路喜車輕舊吏

江接同僚出郭迎

崇儒加禮貌為政務廉平盡道鑑湖水而今早已清

送于壽道同知赴昌國併呈張東軒

金榜題名願已酬從今仕與學俱優後來縱有文章  
士應是輸君第一籌

歲晚之官到海隅街寒策馬出長途鄞城若見東軒  
老為道今吾即故吾

送洪養源編修還京

延祐丙辰

都陽山水秀：氣鍾三洪咳唾成珠璣錦繡蟠心胸  
文章特餘事高節凌衡嵩姓名千古香炳：方策中  
箕裘傳裔孫文史富三冬學問日以博名位日以崇  
我昔遊芝山一見嗟無從今茲歸吳門邂逅俄相逢  
傾蓋如故交笑語春融：歲晚天正寒北行何匆：  
廟堂有碩儒才俊皆登庸此去梯青雲孤鶩駕長風  
願我守蓬蓽衰朽一病翁唯有羨飛黃安能附冥鴻  
作詩餞君行願君淬詞鋒早晚掌絲綸欽哉亮天功

張脩齋提典索詩漫成以謝不敏

延祐庚申

十年不見脩齋面邂逅吳淞寂寞邊  
華表獨歸丁令鶴春衫仍著孟家裨  
講懷洒落超凡俗道法靈通得秘傳  
一念至誠端可敬朝：禮拜玉皇前

擬古

青：庭前竹密葉光陸離主人弗剪伐  
愛護日以滋瀟：河邊柳攀折無完枝  
風波蕩其根戕害日以哀人生天地間  
榮悴諒如斯其居使之然造物無偏私

家藏小玉在

家藏小玉在歲月亦已久溫純無瑕疵  
朴素不矯揉

君子謹言語監此常守口置之几案傍以為筆硯友  
嬌癡三歲女戲弄舞於手墮地聲琤然竟歸無何有  
信乎天地間惟理獨不朽

呈柳同知潤之

吳邑山亭鼓七絃別來倏忽又經年欣然今日又相  
見聊獻君侯詩一篇

又贈柳同知

濟寧重間氣父子德俱賢才智萬人敵聲名四海傳  
詞華今子厚筆法古公權即日登臺省依光近九天



春日口占十八韻呈仇宗道處士

柴門無事春日長輕風蕩漾舞綠楊幽人高枕眠方  
牀夢與蝴蝶俱飛揚稚兒跟跡走中堂怪我晝寢牽  
我裳覺來西牕橫斜陽博山銷盡遺餘香老婢吹火  
燒銅鑪火熱湯沸號笙簧起呼茶盃澆枯腸茶雜菊  
味揚幽芳入口真如甘露漿颯然五臟俱清涼直疑  
身在雲水鄉其樂無盡安可量詩成出游古道傍塵  
埃散漫天茫茫

癸未中秋分韻得宵字漫成古風一短篇呈諸

友

秋高氣肅夜寂寥一輪皓月行清霄清霄冥冥望不  
極崑崙山影何岩堯一年月滿十二度孤光燦爛惟  
今宵銀河隱晦不敢現北斗回折沉璿杓蚌胎生珠  
兔懷孕海門拍岸東奔潮道人端坐南牕下但覺銀  
海光搖神凝氣定寂不動塵俗萬里俱全銷颯然  
天闕來金飈仙花散亂飛瓊瑤

贈田用之省郎名可宜

胎襟磊落更寬仁重士尊賢意轉勤孰謂漢唐千載

下世間復有孟嘗君

贈元誠之外郎

氣象雍容迴不羣  
聆君談論更多聞  
臨平山下初相見  
聊作篇詩效獻芹

贈陳仲達 兵房令吏

聞君吏學優昔者亦儒流  
案牘勤披閱兵機善講求  
仁而為己任忠以與人謀  
他日宰天下當時曲逆侯

贈張寬甫 名弘毅彰德人

人物當今第一流  
英聲籍籍滿南洲  
語言正大常持

重氣象端嚴足鎮浮德行可為魯男子功名盡繼漢  
留侯想君胸次如滄海何止能容萬斛舟

雁宕村庵居

至順壬申

村僻人稀省送迎竹籬黃犬吠天晴一春不到柴門  
外野草開花滿地生

暮春有懷

碧桃落盡春歸去處：樓臺鎖綠陰終日倚闌空悵  
望遠山重疊暮雲深

客裏送春

擠排落絮隨風去分付殘花趁雨飛  
自笑此生歸未得却從客裏送春歸

池亭夜坐

池上孤螢去復回月明白露濕蒼苔  
素絃彈盡淒涼曲颯：微風度曲來

贈張叔量

嘉興城下欲黃昏古岾維舟忽見君  
無奈相逢便相別不能樽酒細論文

冬日與閻丘竹徑陸萬里閒行至和靖書院見

壁間有楊中齊詩次韻作一絕題其傍  
山村欲雪景淒涼寂々書堂草樹荒獨坐空齋琴一  
曲隔牆風遞煮茶香

即事二絕

日長人靜小牕明寫盡陰符一卷經向曉東風撼楊  
柳飛花無數滿中庭  
曉來庭下試閑看一樹青梅綴彈丸稚子遶枝攀不  
得競尋枯竹打林端

春晝

牆外幽禽弄巧聲  
牕前一縷篆烟青  
日長獨坐應無事  
碎剪唐碑貼紙屏

秋夜偶作

縛住心猿不動搖  
坐來方覺夜迢迢  
錫槃膏盡燈花落  
瓦鼎灰寒香篆銷  
滿院西風吟蟋蟀  
半牕斜月印芭蕉  
靜中識破紛華境  
萬事從今付一瓢

早冬

玄宜用事屆新冬  
搖撼乾坤一夜風  
至日陽剛雖未復  
小園春信已先通  
梅呈半點香腮白  
桃露些兒笑

臉紅造化始終常密運四時生意本無窮

仰高亭與楊心一盧敬一諸吟友分韻得一字

道在太極先鴻濛本無質自一而生二陰陽乃噓吸  
乾坤既奠位人極所由立裂而為三才萬化此從出  
羲皇始畫卦道體日已析西伯重六爻仲尼作十翼  
廣大靡不脩精微孰事測偉哉魏伯陽獨能探其賾  
參同契一書豈曰無前識妙理繇斯存萬古如一日  
胡然今之人弗能踐古實紛紛學仙侶閉氣以數息  
口吸日月光以為長命術區區學禪客窮年坐面壁



其中無運化頑空亦何益是皆昧其本可為長太息  
吾讀聖人書期入聖人域此心會此道此道貫乎一  
抱而弗敢失不論如虛無不論如空寂九百主乎敬  
因為衆形役由今返厥初混然一太極

右感興二  
十二韻

再用一字韻作四言一首

君子之交義以為質其澹如水其堅如漆瀘溪逍遙  
凍水真率凡我同盟終始惟一

石礧吟

山居得巖穴結屋倚林樾游息在其間聊以傲風月

好風泠然清霽月朗然明入目無惡色入耳無惡聲  
山間有奇石落：屢荆棘 不呈露寧無夜光璧  
道人心如愚身與天為徒其中懷至寶外則為狂夫  
山間有深澗涓涓清且渙源頭活水來萬古流不斷  
道人方寸中欲盡天理融念：常相續妙用無終窮  
安然於此隱所得日以稔閒來石上眠渴向澗邊飲  
不愁囊無錢不憂座無氈富貴人所欲於我何加焉  
田園差可恃萬事足乎已可食無不鮮可茹無不美  
逍遙天地間此身終日閑往來無罣碍所到從盤桓

靜則石為伍動則礪為侶  
胞中有真樂終日得其所  
優哉復優哉兩袖舞絨埃  
傳語市朝客不如歸去來

錢舜舉所畫楊妃吹笛圖

玉環吹笛沉香亭含宮嚙徵  
若為情說與三郎仔細  
聽中有漁陽鼙鼓聲

錢舜舉所畫美人並坐投壺圖

壺矢拈來信手投纖纖  
十指露春柔偏觀並坐  
雖無語暗數輸贏得幾籌

佛圖澄坐睡圖

剖腹洗腸方困倦何心開眼看英雄要知天下興亡  
事盡在禪師不語中

### 塞馬圖

塞下春深草初綠馬群散漫無人牧區區伏檻待芻  
豆何以沙場飽首若人生出處有幾般或在市朝或  
在山尋思百計不如閑一笑出門天地寬

### 寒山晚景圖

山寒日晚天色微蕭蕭古樹殘葉飛有客騎驢過前  
溪先叫蒼頭扣柴扉主人釣魚猶未歸

蘆汀醉仙圖

落魄烟波不計年，醉來忘却纜歸船。  
夢中一夜雪漫天，却在秋江淺水邊。

葉玉巖招討以長江萬里圖索余題

晴窓展卷片時閒，看盡江南萬里山。  
安得白日生羽翼，翩然飛去復飛還。

張梅軒以俞巖隱所畫十二溪真圖索余跋余酒酣走筆戲作一絕

彼美人兮曰溪真，我欲從之溪水濱。  
記得肩吾曾有

語連予却是十三人

贈華陽道院琴士商碧山

來往晴嵐縹緲中  
滿身空翠濕衣濃  
相尋欲聽蓬萊曲  
還在華陽第幾峯

贈雙鳳普福觀道士唐梅月

精神洒落如寒月  
標致孤高似老梅  
半夜玉壇幡影下  
天風吹送暗香來

送吳蘭谷歸澧州

至元丁丑

此去過衡湘悠々道路長  
幾年倦為客今日喜還鄉

春浦芝蘭秀秋山橘袖香無由重面會別後謾相忘

書先師紀梅懼先生手帖後

晚歲嗟無子窮吟不慮貧誨人常切：愛我倍諄：  
舊宅頻更主寒梅今幾春空餘遺帖在一讀一傷神

挽東孤山安撫

寄來壙志墨初乾拭淚燈前仔細看久宦孰知唐典  
故終身不改漢衣冠少微星殞春雲慘怡老堂空夜  
月寒明日靈輶出城去長淮千里路漫漫：

挽東季博提舉

文園病渴已多時自有靈丹不可醫  
名畫只留圖記  
在小車無復酒樽隨  
維揚城裏瓊花夢  
西磧山前薤露辭  
兒女十人扶柩哭  
路傍草木也愴悲

挽湖州孟夫人  
能靜之妻

內外稱賢淑  
夫人閭範模  
死埋泉下  
土痛失掌中珠  
巢冷鵲聲斷  
鏡昏鸞影孤  
不堪回首處  
落月照衡湖  
送張叔量經歷之安豐

柳折閭門外  
相看意慘然  
此行幾十里  
一別又三年  
訪道兼求藥  
居官少要錢  
郵筒如有便  
莫惜寄吟牋



送普庵相公入京

此去應須作顯官  
瑤樓高處不勝寒  
燕山見月如相憶  
願寄金丹一兩丸

送有慶舍人舉孝廉交遊間皆餞以詩  
茅榮甫以巖遠夫詩示予併索拙句遂賦一絕

能孝能廉世所稀  
餞行誰不贈君詩  
自來孝道應當盡  
只恐清廉不入時

送太倉海寧長老

先斗潭杉住曲塘王偶夫報本寺

幾年說法住精藍  
表裏西明先斗潭  
信道海寧留不

得翩然飛錫過江南

明真今有陸脩靜報本新招慧遠翁著我淵明同一  
笑曲塘應與虎溪同

嗟予終歲走江湖可是今吾即故吾何日華山分半  
席澄心默坐須臾

贈藥師王清曉

諧謔趨時技藝多相逢常是笑顏酡談天曾作君平  
叟對酒今為藍采和閑把星盤說生尅又拈檀板唱  
鳴囉貞元舊曲無人聽處好修來也歌

楊鞋師求詩遂書此數句與之併呈嚴僧判  
當年達磨老金仙手携隻履歸西天尚存一履不携  
去留與東方作樣傳如今僧鞋樣更好頭尖面狹翻  
新巧嬌黃嫩紫色相間無復純青及純皂近來僧俗  
又相通紛流入朱門中紉袴羅襪為伴侶即與尋  
常俗履同楊生手藝精於此相逢忽在淮雲寺酒邊  
索詩聊贈之醉墨淋漓不成字

贈琴川時見山

莫高匪山舉目即見橫看之則見其為嶺側

看之則見其為峰各隨見者之所見何如耳  
而山之為山自若也琴川時氏子精於五星  
尤善易占自號曰見山蓋取淵明悠然見南  
山之句求余拙句遂書二十八字贈之云

曾讀淵明七字詩樂天知命復奚疑東籬千古悠然  
意說與時人總不知

贈承天鑑無像

一輪明月掛當中不是人間有暈銅畢竟本來無一  
物照時五蘊悉皆空

送王本齋宣副赴江陵

大江西望水悠悠三楚南來第一州  
賓布不勞將錦換丹砂可待致書求  
閑常須運陶公甕獨自莫登王  
餐樓見說東湖多好景藕花香裏恣清遊

至元庚辰中秋揚州旅中

去年今日憶相逢楊柳樓心月正中  
今年却無去年月別情還與去年同

夜泊采石

江水清兮月色明謫仙曾此醉騎鯨  
江空月落人不

見西望遠：雙峨青

江水急兮酒力厚行人盡說采石酒當時一斗詩百篇酒與詩名兩不朽

見徐侯

用舍行藏一任天安能汲、巧鑽研只知當路曾推轂豈料有人先着鞭既往已成蕉鹿夢相逢聊詠草虫篇柳江太守歸應笑笑我平生直似弦

淮雲書齋

生平性孤寂每愛梵王居飽喫三餐飯閑觀四聖書

避喧聊復爾隨分欲何如  
城市親情客多應笑我愚

宿臨平龍興院 至正癸未

四壁荒涼響砌蒼  
佛香燒斷瓦罏空  
有懷耿：不成寐  
牕外芭蕉一夜風

焦山寺夜坐偶作

夜宿焦山寺月明聞棹歌  
蜀江到吳盡海舶過淮多  
風浪翻龍窟霜林露鳥窠  
詩成忽有酒不飲欲如何

題臨平驃騎將軍廟壁

鼎湖之北丘山東  
舟車來進交相通  
山明水秀兩奇

絕申公廟貌何其雄  
臨平古來屬吳會  
吳有恭伯子  
胥祀將軍仕楚不仕吳  
廟食何由在斯地  
始余到此  
竊有疑問諸道傍  
皆弗知  
捫衣致敬立堂下  
拂埃細  
讀堦前碑  
春秋而下幾千歲  
世代寥遠簡策廢  
後來  
若無劉更生  
誰記何年封驃騎  
庭中香霧縱復橫  
燭  
光燦爛當軒檻  
廟僧知有客來此  
偃僂出戶歡相迎  
禪牀危坐揮白拂  
問答敏給不可忽  
呼童出示綠錦  
幡云是先朝勅賜物  
座間有一老道人  
手將數珠看  
佛經  
甌茶相陪坐  
片晌極口稱誦神之靈  
神惟有靈



著斯境急難求之如響應邑人事神若事親春秋  
祀靡不敬沈君題後今無詩僧因求余歌詠之詩成  
長嘯出門去白雲零亂山前飛

題杭州靈隱寺冷泉亭墻間

去城十二里地僻絕氛埃寺是晉朝建山從佛國來  
亭虛攢綠蔭澗冷浸蒼苔驚嶺吟詩者而今安在哉

題臨平廣嚴寺壁

塔瘞經函迹已陳山橫屋外碧嶙峋唐碑火裂無完  
字古佛年深積暗塵晴牖施生喧噪雀通川禁網樂

遊鱗覽師千載英靈在遍滿虛空現法身

題臨平明日寺壁

窈窕明因寺僧房淨且深水聲穿暗窳山影隔疎林  
佛閣輝宸畫經堂布客金晚涼閑到此倚杖聽蟬吟

贈筆工楊琇并戲同里杜春山

至正辛卯

芒端有神今不靈誤身何獨杜少陵高中大袖說文  
章此輩真是困未醒嗟余疇昔弄詞賦吻間長作秋  
蟲聲日忘餐兮夜忘寢從事編緝手不停年來百念  
盡灰冷惟餘談玄未忘情聊買楊生紫毫筆開牕靜

坐書黃庭

米元暉山水圖

吳竹居道士求跋

至順壬申

山堆、分樹無根妙莫妙兮  
朦朧雲自出機軸迴不  
群輸子巧繪徒紛：

題張梅齋手卷

鷓鴣天 至大辛亥

高髻堆雲宮樣粧雙、並坐縷金牀  
若非漢室嬋娟  
女定是天台窈窕娘  
眉黛濕口脂香  
酒醒春困渴  
思漿主人見慣應閑事  
莫引書生到後堂

張蘭谷畫像贊 至順壬申

抱道於中似蘭斯馨在彼空谷幽人之貞

時居士畫像贊

服此服巾此巾既有咸淳少年之氣像復有皇慶晚年之精神斯人也乃霜中之菊雪後之松筠

吳子儀畫像贊

吏而儒清而腴識之者曰此浮光吳子儀也不識則曰是何人歟其當今趨時之俊秀梁楚間之美丈夫也歟

相士鄭西山以耕隱圖求余跋遂書其後

元貞丙申

相士鄭西山携耕隱圖示余求跋因問之曰子隱於  
耕則當從事乎犁鋤襍穢與田舍翁為伍議田間事  
可也而乃奔走塵市間掉三寸舌談人禍福得無捨  
己之田耘人之田歟然人心不同有如其面最難相  
也子能相之乎余嘗窺觀今時所謂豪傑之士矣往  
往以簡傲為高以詭詐為能孳孳汲汲惟利是務心  
田不但茅塞蓋荆棘甚焉望其交梨火棗生於其中  
亦憂、乎難矣求其寬厚愛人尊賢重士吐周公之  
哺指魯肅之困者果何人哉西山閱人多矣天寒歲

暮膏梁子正坐銷金帳下淺斟低唱奚暇倒屣見人  
顧子少輟舌耕且歸隱於西山坐晴簷熟讀相牛經  
有詩自歌有酒自醉不亦愈於看人面色乎西山曰  
諾子之言誠是也吾固自知其然盖有不得不然者  
既聞子之言今將輟吾舌耕而自此隱矣

吳江張清甫以趙子昂所書蘭亭序洛神賦歸  
去來辭三手卷求余跋遂書其後

蘭亭已矣定武刻本且不可見何況真蹟嗚呼羲之  
之書吾不得而見之矣得見子昂者斯可矣

世固有美婦人如吳姬越女艷則艷矣乃若修短合  
程穠纖中度果有及於洛神者乎知乎此然後可以  
觀子昂之書

子昂書歸去來辭蓋閑居苕溪時異時書北山移文  
又當拭目一觀

許詢支遁圖 元貞丙申

臂鷹放馬此豪俠者之所為也亦有此好或者以為  
支遁吾不知果為支遁乎否也但見其袒跣倨傲如  
是其僧中之豪俠者歟

跋江山萬里圖

華夷山不斷吳蜀水相通杜少陵之詩云爾今於此  
圖見之既無登臨之勞又無風波之險萬里之遙一  
覽盡在目中雖飛行碧落而下睨寰海不是過也

楊君壽字說

至大己酉

漆園叟云上古有大椿者八千歲為春八千歲為秋  
木之至壽亦無以加於此矣是木也非生於無懷大  
庭之壽域則生於海上蓬萊之仙鄉蓋必得其地乃  
得其壽向使生於牛山則旦：而伐之壽又安能至



是哉松陵楊氏子名椿字君壽出於里人俞子壽之  
門是亦得其地矣子壽門客張方山已嘗為之說一  
日君壽携其說示余因告之曰孔子云仁者壽自古  
蓋未有不仁而壽者也吾與君壽相識三年於茲每  
聽其語無非長厚之論亦近仁矣孔子未嘗以仁許  
人一則曰不知其仁也二則曰仁則吾不知也仁者  
心之德愛之理豈易言哉吾觀君壽之所為固弗敢  
以仁許之然亦勝於不仁者多矣世以百二十歲為  
上壽百歲為中壽八十歲為下壽如君壽者雖於上

壽可也漆園之說荒唐吾亦安敢以其說使人敬以  
百二十歲為君壽勉君壽笑而曰然遂書以贈之

一點齋詩卷後

至大辛亥

一言之出駟馬莫追萬言萬當不如一點言之出口  
蓋不可不慎也鄱陽黃澹翁以一點名齋又以名其  
書集既有詩矣謂之默可乎我知之矣翁之不談人  
之美惡不論世之是非唯嘲風詠月而已如是則不  
默之中自有所謂真默者存詩雖多何害其為默齊  
月字以其詩來求余序遂為書其卷首

題密仲明舍人存耕堂

人有以百畝之田遺子孫耕不如自耕寸田耕寸田者以孝弟為嘉穀忠信為耒耜瞬息存日至則獲祖宗饗之子孫保之可以流芳百世何謂寸田心是也是心也操則存捨則亡操則為君子捨則為妄人孟子曰君子之所以異於人者以其存心也君子以仁存心以禮存心仁者愛人有禮者敬人愛人者人恒愛之敬人者人恒敬之今之人為富不仁者有矣富而好禮者誰歟求其以仁禮存心而異人相愛敬

者鮮矣密仲明為堂於後園扁曰存耕而求余為之  
說余嘉其年方弱冠而有老成淑後之志遂以孟子  
之說告之

跋錢舜舉所畫黑馬圖

皇慶癸丑

崑奴夜半偷將去行過陰山鬼不知此龔翠岩詠黑  
馬詩也崑奴也鬼也夜半而過陰山也又加以余之  
拙字醉墨淋漓其為黑也不亦甚乎此黑馬乃錢舜  
舉所畫唐卿索余跋遂書以贈

十二溪真圖

濮陽適之求跋

至順壬申

十二溪皆湍險之地世傳以為各有神女司之豈不  
然乎今觀此圖乃沉湎之餘袒裼裸裎而不顧茲蓋  
善畫者之戲筆也若以為果有是則倡優之婦亦未  
必然何況真仙癡兒之前蓋不可談夢

王伯儀府推玷山手卷跋

白圭之玷尚可磨斯言之玷不可為南容三復是詩  
聖門稱誦之伯儀父自號玷山蓋恐斯言之玷其積  
如山之高也本無玷而以為玷本無山而以為山伯  
儀父慎言如此其今之南容也歟

廷瑞第所藏老馮荷花手卷跋

蓮之為花遇風則香遠益清雨晴則其靜如拭老有  
老態之妙嫩有嫩態之美濂溪目之為花中君子故  
謂其可遠觀而不可褻玩然繪而為圖則遠觀近觀  
無有不可者此圖真吳中老馮筆先叔秋崖翁藏之  
久矣手澤猶潤蓋吾家珍玩也

俞巖隱所畫驪山姥圖

陰符經云觀天之道執天之行盡矣盡矣者內煉之  
道盡在此八字中更不必三百字而後盡也是道也

黃帝知之驪山姥知之李筌其知之乎

吳興俞子清侍郎山水圖

子清翁山水自是一等家數既經子昂品題則夜光之璧不復為荆山石矣

張梅軒同知以菩提達磨畫像求題

少林面壁九年葱嶺隻履翩：底事東方衲子只知  
心印單傳

贈萬壽信無疑 至元丁丑

即心是佛有何擬議直饒非佛非心不過也即如是

若問祖師西來意饑來吃飯困來睡

齋月字手卷跋

至正辛卯

自古騷人逸士皆愛月每見之歌詠以其清也今人亦多愛之故其有扁齋曰月齋亭曰月亭者清則清矣不亦局哉番士齊道存自號月字挾手卷求余跋因語之曰上下四方之謂宇子之宇乃是宇耶抑區、數椽以為容身者之宇耶子讀聖賢書學聖賢學胞次必廓如也今也滿宇皆月則乾坤上下四方之清氣皆在子詩脾中矣然乎否乎



食鰻辨 至大辛亥

南陽主人食鰻而美語其妻曰以一器饋先生其妻  
諾而弗與明日主人見客而問曰鰻味美乎客曰不  
知也主人曰何謂不知也客曰請問三十六牙三十  
六牙曰不知又問之喉舌喉舌曰不知又問之肺肝  
肺肝曰不知又問之心腹腎腸心腹腎腸皆曰不知  
既皆不知又何從而問邪又問之目目曰不見又問  
之鼻與耳鼻與耳皆曰不聞內而心腹腎腸肺肝喉  
舌三十六牙皆不知外與目與耳鼻皆不見不聞則

吾之不食鰻也惟有天知地知神知鬼知子知我知耳鰻之色鰻之香我且不見不聞吾又安知夫鰻味之美不美乎主人慚謝而退語其妻妻默然而不答主人乃悟曰吾失言矣

林屋山人漫藁

石礪書隱圖卷

僕往過采蓮里石礪書隱瞻拜俞先生遺像曾賦五  
言詩一首有立校書見示陳子平先生所作記文謹  
再拜書於後里生孟頫頓首

清秋風日好一往南園廬穿紆愛深窳蹕曲歷幽虛  
群木既羅戶流泉亦通渠締緝繚芳蘅灌溉成佳蔬  
著述懷昔人所樂山林居子孫繼先志復築此丘墟  
升堂拜遺像入室讀其書先生里中賢安敢有稱譽

恨靡從杖履承訓理荒疎采菊薦秋水肅敬歷階除  
德澤諒不泯霑潤有其餘傳語市朝客不如歸去來  
題俞先生讀易處石礪書隱園

先生注易隱西城激石松風荅礪聲式玉式金王度  
在一寒一暑歲功成要叅未畫須心悟洞釋群疑貴  
理明蔀屋見心元是畫褰瀛捩施可無程義精詎忍  
辭捫舌樂大何妨枕曲肱雨露每滋庭草綠雲烟不  
礙晚山橫成林詎捨千章木求友難忘百喣鶯歲月  
推遷陳迹在啓蒙長憶酒同傾

至正二十四年甲辰夏四月十七日遂昌鄭元祐謹題  
漸來中吳聞宋石礪俞先生著易說藏於家心甚慕  
之及永嘉陳君文昭以易講授吳下暇日過陳君所  
見先生之孫楨復以易授業陳君為弟子因得謁先  
生之子子玉父於石礪書隱子玉色溫而貌腴粹然  
古君子也書隱在城西偏蕭散夷曠居城市而有山  
林之趣然後知先生之傳有在是能世其家者也昔  
种明逸以易學名而其子孫以名將顯先達謂其有  
專於易者蓋易無所不脩善用易者惟其時而已种

氏顯於時故其用行子玉遊於世故其迹隱其致一也夫孝莫大於繼志述事若子玉之賢父子可謂善繼述矣易以消息盈虛為道觀先生之學誦於前安知不信於後者乎後十有五年楨以亡友子玉陳君所為記徵予言噫文昭以易經入官而終致明夷之傷子平以易道自晦而卒遇无妄之過獨子玉當四海無虞利祿不以入於心及天下多事世故不以煩其慮益知賢父子之於易得處困之道矣仰先躅之高風感故舊之淪謝因識卷末以致其景慕之意云

元年秋九月會稽姜漸書

西山讀易人何處堂構而今重有兒最喜米蓮還舊  
里尤憐薦藻樹新祠花邊拂石春垂釣竹下焚香畫  
奕碁總說傳家風致盛梧桐陰滿鳳凰枝 番陽董  
朝宗

洪武二十六年四月一日徐賁補圖

此圖圖石礪書隱讀書處蓋徐幼文筆也幼文在  
國初以詩名與高楊張三君稱四大家不以畫稱  
而其畫特秀潤古雅今亦不多見此乃目趙文敏

鄭明德諸詩而補作者故尤為用意計當時更有  
陳子平記惜無考之不得名筆為補書也 長洲

張鳳翼識

徐幼文以詩名勝國之季與高太史諸君齊名所  
謂高楊張徐者也徐張皆善畫而徐尤出張右此  
圖俞石礪讀書處用筆造境清森鬱茂當與王叔  
明陸天游二三君稱鴈行非趙善長諸人所得夢  
見也石礪先生世善易若漢韋氏之於詩今其遺  
墟漫不可識猶幸趙承旨鄭明德之詠歌與徐君



之繪事流傳人間庶幾俞先生高風尚可想見耳

太原王穉登

石礧書隱石礧名琰字玉吾號石礧所居在今府學  
西中有詠春齋盟鷗軒端居室皆玉吾孫貞木所作  
貞木孫振宗又作九芝堂今皆廢為菜園 王鏊姑蘇  
誌

詠春齋記

俞 楨

儒有母追以為冠逢掖以為衣沈酣黃虞泳游姬孔  
其所居齋廬敷筍席據梧几函文中絙朱絃瑟一有

客過其間式之曰是南園之居也乃下而入謁先生  
俟於垣之扉高柳婀娜拂人衣裳黃鳥相下上或翔  
而萃或躍而鳴泠然有醒乎耳焉晉於扉之闥豐草  
披靡嘉花苾芬白者朱者絢且綺者秀綠以藉之甘  
寒以膏之灑然有沃乎目焉升於堂之堦客主人拜  
稽首琚珎繼如跪起曄如為席坐東西向條風時如  
水來煦容而煥體冲然有融乎心焉先生乃援瑟鼓  
之為之賦考槃客曰裕哉其順處乎賦伐木曰諒其  
同人乎賦旱麓之三章曰道其至矣夫不囿乎人游

乎天瑟且希客起再拜且觴以頌之曰維本始之萌  
翕闔闢絀縕或旁礴以地或昆侖而天橐籥衆萬芸  
芸芬芬騫而於雲泳而於川何物何我陶焉一春弁  
而五六士邕而六七人浴沂以嬉風雩以歸而木泐  
泐而樂怡怡匪列御風匪周觀魚造物者為徒而曾  
哲子與居舍曰詠春其曷以名先王之齋廬者哉

### 端居室記

端居室者山人俞楨讀書寢處之所也楨幼尚澹泊  
於世利紛華無所嗜嘗讀書必冥心端坐以求其理

趣因歎曰學所以適用也不仕則無以及人乃習舉  
子業將以明經取科第既而幡然改曰學為已知在  
人何以投試為哉於是悉棄所業潛心易象一室之  
間左圖右書莫然外慕乃題其顏曰端居夫學須靜  
也惟靜可以觀萬物之妙端居一室以拓充吾方寸  
焉雖天之高也吾不知其為高地之大也吾不知其  
為大至於山河之崇深吾亦不知其崇深也反而觀  
之以吾眇然之身而處乎天地之內涵融自得浩浩  
焉混々焉不獲其人不見其身會彼之萬歸此之一

可默也而不言也室云何哉因疏斯語於壁以識名  
茲室之意

盟鷗軒記

旁蘇城郡之西南際野水有林木焉其廣袤不知頃  
畝空濶葱蒨遊者自能道海鳥從而翔集之林木不  
見層軒數楹者山人俞楨之居也山人自顏其扁曰  
盟鷗須予記鷗不待盟也盟鷗、將逃焉人惟其忘  
機也故鷗從之機事一萌鷗舉不暇邀而盟之鷗豈  
留哉况盟非美事刑牲歃血要明神而誓之以合其

交初非有誠信也口血未乾從而背之生隙長亂莫甚於此君子之有盟夫豈得已也且夫有機則疑機忘何疑疑而後盟不疑何盟盟何補於疑哉忘其機而已矣吁山人之盟鷗寓言也山人之不得已也吾聞山人於世故泊如也其何利於鷗：出沒滄波萬里莫馴亦何求於山人鷗從山人之忘機山人忘其機而從鷗機交相忘何疑不疑何盟孔子云吾非斯人之徒與而誰與山人學孔子者也其盟鷗豈得已哉使世可盟豈盟鷗也鷗盟則舉世之人皆不足與

盟矣世皆不足與盟  
鷗何辭焉匪鷗則盟  
鷗將乞盟